

Bayaran kad tanpa PIN dihentikan tak lama lagi

Peruncit, pembeli dinasihat masukkan nombor keselamatan bagi setiap transaksi

BH
14/12/16
mls- B2

Oleh Che Wan
Badrul Alias
chewan@bh.com.my

Pembayaran kad tanpa PIN akan dihentikan operasinya di Malaysia tidak lama lagi, demikian menurut Persatuan Bank-Bank di Malaysia (ABM) dan Persatuan Institusi Perbankan Islam Malaysia (AIBIM).

Sehubungan itu, kedua-dua persatuan mengingatkan semua peruncit dan pemegang kad supaya segera beralih ke sistem PIN serta menggunakan terminal yang dilengkapi sistem PIN bagi setiap transaksi pembayaran.

Dalam kenyataan bersama di Kuala Lumpur, semalam, persatuan itu menyatakan pihaknya dimaklumkan banyak peruncit sengaja tidak menggunakan sistem PIN kerana ingin mengelak menyerahkan terminal pad PIN kepada pengguna

Info

Kempen PIN and Pay

→ **Pengguna perlu** mengesahkan pembayaran kad dengan memasukkan enam digit PIN keselamatan dalam terminal POS peruncit berbanding menurunkan tanda tangan sebelum ini

bagi memasukkan nombor keselamatan mereka.

Katanya, penggunaan PIN perlu digalakkan kerana lebih selamat dan pantas, justeru peruncit yang memiliki terminal sistem PIN sepatutnya menawarkan pengguna untuk memasukkan nombor PIN enam digit bagi menyelesaikan transaksi.

Logo PIN & PAY

“Peruncit yang memiliki terminal sistem PIN juga perlu memaparkan logo PIN & Pay di kaunter dan kedai supaya pengguna menyedari hak mereka kerana ramai pengguna sudah memiliki kad PIN baharu mereka.

“Bagi pengguna pula, mereka perlu mengetahui hak dengan memasukkan PIN keselamatan bagi setiap transaksi dilakukan peruncit yang memiliki logo PIN & Pay logo, atau sekiranya mereka menyedari peruncit terbabit memiliki terminal sistem PIN,” katanya.